

[BERITA MASA KINI](#)
[BERITA SAMA](#)
[GARIBATI DIAKIT](#)

TEKINI UTAMA & SENSASI



By AK-47 · 25/10/2022 · 0 · 216

Menderma dan memberi merupakan satu amalan yang mulia di sisi agama Islam lebih-lebih lagi jika derma itu kepada jalan Allah S.W.T.

Ikuti Mynewshub: Telegram

Ia termasuklah menderma kepada masjid-masjid dan surau dimana penggunaan wang tersebut adalah untuk mengimarahkan kerja agama.

Firman Allah SWT :

الَّذِينَ يَنْفَعُونَ أَهْوَالَهُمْ بِاللَّذِينَ وَالشَّهَارِ سِرًا وَعَلَانِيَةً لَّفِيمَا أَجْزَاهُمْ عَنْ رِبِّيهِمْ وَلَا خُوفٌ عَلَيْهِمْ وَلَا هُمْ يَخْزَنُونَ

Maksudnya : Orang-orang Yang membelanjakan (mendermakan) hartanya pada waktu malam dan siang, Dengan cara sulit atau terbuka, maka mereka beroleh pahala di sisi Tuhan mereka, dan tidak ada keimbangan (dari berlakunya kejadian Yang tidak baik) terhadap mereka, serta mereka pula tidak akan berduka cita. –
(Surah Al-Baqarah ayat 274)

Menderma kepada masjid atau surau bukan sahaja akan mendapat pahala untuk kemaslahatan di akhirat, malah terdapat manfaat duniawi yang boleh dinikmati disebaliknya.

Ia secara rohaniah dapat membersihkan jiwa seorang muslim daripada sifat tamak dan kedekut untuk mengeluarkan wang mereka bagi manfaat insan lain.

Dalam konteks kewangan pula, menderma kepada masjid atau surau melayakkan seseorang untuk menuntut potongan cukai daripada Lembaga Hasil Dalam Negeri Malaysia (HASIL).

Benar. Pembayar cukai yang menderma kepada masjid atau surau boleh membuat tuntutan potongan bagi derma yang dibuat, bagaimanapun terdapat syarat perlu dipenuhi.

Derma itu hendaklah dibuat kepada tabung yang diluluskan Ketua Pengarah HASIL dan selalunya kelulusan (pemberitahu menerusi warta) berkenaan dinyatakan atas resit derma.

Langkah ini bukan bersifat birokrasi atau mahu menyulitkan pembayar cukai yang mahu manfaat itu, sebaliknya bagi mengelakkan anasir penipuan.

Justeru, menjadi tanggungjawab institusi atau organisasi selepas mendapat kelulusan di bawah subseksyen 44(6) ACP 1967 untuk memenuhi perkara berikut:

i. Resit rasmi –

a. Semua derma yang diterima dalam bentuk tunai atau melalui perbankan internet, cek/ kiriman wang/ wang pos/ draf bank perlu menggunakan resit rasmi.

b. Resit rasmi mesti mengandungi maklumat:

– Nama dan alamat institusi atau organisasi

– Nombor siri resit rasmi yang bercetak (preprinted)

– Tarikh resit

- Nama penderma berserta dengan nombor kad pengenalan, nombor passport dan nombor pendaftaran perniagaan penderma**
- Alamat surat menyurat penderma**
- Jawatan pemungut (collector) seperti Presiden atau Bendahari dan**
- Catatan berikut sebagai contoh:**

"Potongan Di Bawah Subseksyen 44(6) Akta Cukai Pendapatan 1967: Rujukan: LHDN.01/35/42/51/179-6.XXXX Tarikh Kuatkuasa: 1 Ogos 2017 hingga 31 Jun 2024"

Bagaimanapun, harus dingati resit tidak layak diberi kepada penderma yang gagal memberikan maklumat yang lengkap berkaitan dirinya.

Maklumat lengkap bagi penderma individu adalah nama penderma, nombor kad pengenalan atau nombor pasport dan alamat lengkap.

Manakala bagi penderma selain individu perlu mempunyai maklumat seperti nama penderma, nombor pendaftaran dan alamat lengkap. Bagaimana untuk mengetahui tabung atau badan yang diluluskan sangat mudah.

Anda boleh menyemak pada Senarai Institusi Atau Organisasi Yang Diluluskan Dibawah Subseksyen 44(6) Akta Cukai Pendapatan 1967 di portal rasmi HASIL.

Resit derma mesti menunjukkan frasa "Derma ini adalah di bawah Subseksyen 44(6) ACP 1967"

-Mynewshub

10/26/22, 12:58 PM

Layak Terima Potongan Cukai Derma Kepada Masjid « MYNEWSHUB